



Bilten

mjesečni
omladinska mreža bosne i hercegovine



septembar
rujan
2021

268

Dragi prijatelji/ce,

Predstavljamo vam **septembarsko** izdanje (268) mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **186** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ


Aktivnosti u septembru.....	2
Planovi za oktobar.....	10
Aktivnosti članova mreže	11
Saopštenja/informacije/donatori/pozivi.....	17

Uživajte u čitanju!

AKTIVNOSTI ORC/HCA U SEPTEMBRU 2021.

Festival mladih TK

U Hrvatskom kulturnom centru "Sveti Franjo" u Tuzli, 21. Septembra je svečano otvoren **prvi Summit mladih u Tuzlanskom kantonu**. Summit je zaključak **Festivala mladih** koji je počeo 22.08.2021. godine manifestacijom „**Tuzla pleše**“ i trajao mjesec dana.



Na svečanom otvaranju prvog Summita mladih u TK obratili su se Direktor Festivala mladih, **Amir Zonić**, Direktor Omladinskog resursnog centra **Miralem Tursinović**, Zamjenik ambasadora Italije, **Mateo Evangelista**, Ministar za kulturu, sport i mlade Tuzlanskog kantona, **Zlatan Muratović** i Premijer Tuzlanskog kantona, prof. **Kadrija Hodžić**.

„Šest lokalnih zajednica, Sapna, Čelić, Gračanica, Gradačac, Lukavac i Tuzla su podržale ovaj projekat u potpunosti. Ovo nije još jedan Festival u kojem smo mi trebali napraviti koncerте i velike partyje, njegov cilj je bio da se upoznaju stvari na terenu, da odemo u gradove i općine, da se upoznamo sa omladinskim organizacijama i da na neki način napravimo presjek šta se to dešava u omladinskom sektoru,“ kazao je direktor Festivala mladih 2021, Amir Zonić.



Nakon svečanog otvaranja održan je panel pod nazivom „Obrazovanje za 21. stoljeće”, na kojem su **Tatjana Vučić**, direktorica Bit Alliance, prof. **Kadrija Hodžić, Bahrija Umihanić**, profesor na Ekonomskom fakultetu u Tuzli, **Damir Zenunović**, profesor na Rudarsko Građevinsko Geološkom fakultetu u Tuzli skupa sa **Zlatkom Berbićem** razgovarali o planovima za Kampus UNTZ, o budućnosti obrazovanja u TK i o samoj digitalizaciji.

Također prvom Summitu mladih u TK pridružili su nam se i organizatori Evropske prijestolnice mladih Novi Sad – OPENS 2019.

„Naša ideja je bila da se otvore vrata omladinskim organizacijama i da se dopuni ono što već imamo. Naša zajednička delovanja mladih i omladinskih organizacija se na kraju isplatila,“ Vukašin Grozdanović, koordinator OPENS-a Novi Sad.

Sa nama su bili i predstavnici Lukavca i Čelića, gdje se razgovaralo o daljim planovima, lokalnoj politici i regionalnom potencijalu.

Na prvom Summitu mladih čast i zadovoljstvo nam je bilo ugostiti britanskog ambasadora u Bosni i Hercegovini nj.e. **Matta Fielda**.



„Ono što Ujedinjeno Kraljevstvo želi za Bosnu i Hercegovinu jeste da bude stabilna država u kojoj će mladi željeti da ostanu“, istakao je ambasador Field.

Ambasador Field je naglasio i da Ujedinjeno Kraljevstvo građanima Bosne i Hercegovine nudi pune stipendije za master studije na bilo kom univerzitetu u UK, na koju se svake godine prijavljuje na stotine kandidata. „Konkurs za Chevening stipendije za narednu akademsku godinu je trenutno otvoren i pozvao bih sve potencijalne kandidate da se prijave, jer je ovo zaista izvrsna prilika da svoje znanje unaprijede na nekom od prestižnih univerziteta u UK, da steknu nova iskustva i upoznaju osobe iz cijelog svijeta, a, po povratku u BiH, da svojim znanjem i iskustvom doprinesu razvoju svoje zemlje,“ rekao je ambasador Field.

Predstavnik Vijeća mladih Tuzlanskog kantona, **Ammar Grabić** govorio je o stanju i perspektivi mladih u TK.

U sklopu Summita održan je i panel na temu "Lokalne priče inspirišu."

Slobodan Blagovčanin ispred ORC-a Tuzla vodio je panel na kojem su diskutovali: **Adnan Mujkić**, Pozorište mladih Tuzla, **Denis Bećirović**, Mašinski fakultet Tuzla, **Dejan Milkunić**, Srednja muzička škola Tuzla i **Sandra Hurić**, Pokrenite se.

Nakon toga uslijedio je koncert Srednje muzičke škole.



FESTIVAL mladih 2021

Festival mladih je u Tuzlanskom kantonu okupio hiljade mladih, spremnih da se pokažu na polju umjetnosti, aktivizma, sporta, ekologije, naprednih tehnologija, nauke i inovacija.

Festival mladih promoviše znanje, talenat i uspjeh, a mladima daje nova međunarodna poznanstva, vještine, znanja i samopouzdanje za preuzimanje liderskih uloga. Ovo je projekat koji spaja različitosti nastojeći da mladima pruži iskustva u širokom spektru aktivnosti i najkvalitetniji kulturni sadržaj.

Također u sklopu Festivala mladih su autori emisija Cat Patrola, **Mirela Biković** i PodCat sa Malikom, **Malik Sakić**, održali besplatnu radionicu o kreiranju društveno odgovornog video sadržaja za mlade na društvenim mrežama.



Radionica je održana za sve one koje je zanimalo kako nastaje video sadržaj koji je zabavan, a s druge strane ipak društveno odgovoran, kako se pravi privlačan thumbnail za Youtube i Facebook video, kako

se odvažiti da počnete snimati i kako se dobro zabavljati dok radite ono što volite ili ste samo željni novih znanja i novog iskustva. Radionica je bila interaktivnog karaktera, a učesnici su na kraju uz mentorstvo Malika i Mirele imali priliku da osmisle kako bi izgledao njihov serijal, te da snime najavu svog serijala.

Festival mladih je nastavio svoje putovanje kroz općine i gradove Tuzlanskog kantona

16. septembra smo se nalazili u Gradačcu, gdje smo imali prijem kod gradonačelnika, **Edisa Dervišagića**. Tema sastanka je bila "Festival mladih i "Evropska prijestolnica mladih". Nakon toga smo se sastali sa predstvincima mladih grada Gradačac, gdje smo razgovarali o položaju mladih u Gradačcu u narednom periodu, gdje je naš **Ammar Grabić** (potpredsjednik Vijeća mladih TK) predstavio i pobliže pojasnio prisutnima Zakon o mladima FBiH.



U nastavku dana se realizovala vožnja jezerom uz podršku ronilačkog kluba "Vidara" Gradačac, a naveče od 19:30h CAT BiH kviz općeg znanja i party sa DJ Shadow Kid u Condor Pub-u.

CAT – Bosna i Hercegovina

Tokom mjeseca septembra, nastavili smo sa našim redovnim aktivnostima u sklopu projekta „CAT – Bosna i Hercegovina“.

Naše mačke su nastavile da oduševljavaju javnost na društvenim mrežama sa mnogo meme-ova, poziva ne seminare, pozitivnih priča o mladima iz Bosna i Hercegovine.

Ukoliko još uvijek ne pratite naše mačke – pozivamo vas da to učinite na:

[Facebook](#), [Web Portal](#), [Instagram](#) i [Youtube kanal](#).



Dan društvenih igara – OG ORC Tuzla

Omladinska grupa Omladinskog resursnog centra svake nedjelje u svojim prostorijama organizuje **Dan društvenih igara za mlade**.

Društvene igre predstavljaju vrstu igara koje uključuju pomjeranje ili postavljanje figura ili brojača na već određenu površinu, po unapred utvrđenim pravilima. Neke igre su zasnovane na čistoj strategiji, mnoge sadrže element slučajnosti, ali većina njih zavise od čiste sreće, bez ikakvog elementa veštine ili znanja, tu su da se dobro zabavimo.

Svi nam se mogu pridružiti u druženju i igri, potrebno je samo da nam se javite na naš Instagram profil @orc_tuzla i mi ćemo vam poslati više informacija.



Sa okupljanja u Sarajevu pod nazivom „Pravda za Dženana i Davida“, ORC poručuje: Koliko košta ljudski život?!

U Sarajevu je 11. septembra održan protest pod nazivom “Pravda za Dženana i Davida”, na kojem su se okupili članovi porodica, prijatelji i aktivisti iz mnogih dijelova Bosne i Hercegovine i zatražili da se utvrdi istina o stradanju **Dženana Memića** iz Sarajeva i **Davida Dragičevića** iz Banjaluke. Podršku ovom događaju su pružili aktivisti i aktivistkinje Omladinskog resursnog centra Tuzla.



Centralni skup održan je na platou ispred Narodnog pozorišta, a ranije su postavljeni bilbordi sa porukom: "Da li biste tražili pravdu za vaše dijete?".

Veliki broj građana okupio se ispred Narodnog pozorišta u Sarajevu kako bi podržao proteste Pravda za Dženana.

Okupljenima se, između ostalih, obratio i **Muriz Memić**, otac Dženana Memića, koji je istakao da bi volio da ni protestima ne mora tražiti pravdu za svoje dijete, a dodao je da na protestima vidi ujedinjenu Bosnu i Hercegovinu.

Ističući kako ljudi iz cijele BiH na ulici traže pravdu koju bi trebala tražiti država, Memić je kazao da iz pravosuđa, policije i drugih institucija moraju otići svi korumpirani koji su bili umiješani u taj slučaj.

Sve vrijeme dok je trajao događaj naš tim je držao live stream putem medijskih kanala CAT Bosna i Hercegovina, te još jednom pokazao aktivizam na djelu!

Youth Nest: Gathered4Youth

U okviru inicijative **Fakat je vakat za mlade 2.0**, tri krovna tijela mladih – Vijeće mladih FBiH, u saradnji sa Omladinskim savjetom Republike Srpske i Vijećem/Savjetom mladih Brčko distrikta Bosne i Hercegovine 9. septembra su na Ilidži organizovali događaj Youth Nest: Gathered4Youth.


Uz učešće predstavnica i predstavnika omladinskih organizacija i organizacija koje rade sa mladima, prijatelja iz donatorske zajednice i međunarodnih institucija, a ispred Omladinskog resursnog centra Tuzla su prisustvovali: direktor - **Miralem Tursinović** i project officer - **Ammar Grabić**.

Prisutnima su se, pored predstavnika krovnih organizacija za mlade obratili i podržali ih u njihovim nastojanjima da poprave status populacije koju predstavljaju i: gospođa **Deborah Mennuti**, otpravnica poslova ambasade SAD u BiH, gospođa **Ingrid Macdonald**, rezidentna koordinatorica Ujedinjenih nacija u Bosni i Hercegovini te gospođa **Laura Lungarotti**, šefica misije Međunarodne organizacije za migracije u BiH.



Događaj **Youth Nest: Gathered4Youth** je organizovan u sklopu projekta **Fakat je vakat za mlade 2.0**, koji se implementira zahvaljujući podršci programa Bosnia and Herzegovina Resilience Initiative (BHRI), koji sprovodi Međunarodna organizacija za migracije (IOM), uz finansijsku podršku Američke agencije za međunarodni razvoj (USAID).

Šarene stepenice - Tuzla



Bili smo gosti kod fenomenalne ekipe Revolt Tuzla.

Zajedno sa njima smo uljepšavali stepenice, koje su ovi aktivisti i aktivistice još prije nekoliko godina ukrasili.



‘Najduže stepenice u gradu’ vode do UKC Tuzla i njima svakodnevno prolaze mnogi građani i građanke. Koliko su ovakve aktivnosti važne - najbolje oslikava komentar prolaznice: “Svaki dan prolazim i uvijek pomislim kako je dobro što još uvijek ima pozitivne omladine u gradu. Hvala Vam!”

25 godina postojanja i rada Helsinškog parlamenta građana Banja Luke



Helsinški parlament građana Banja Luka je 3. septembra 2021. proslavio 25 godina svog postojanja i predanog rada na stvaranju društva jednakih mogućnosti.

Helsinški parlament građana Banja Luka je 3. septembra 2021. proslavio 25 godina svog postojanja i predanog rada na stvaranju društva jednakih mogućnosti.

Četvrt vijeka HPG Banja Luka obilježeno je panel diskusijom na temu „Uloga organizacija civilnog društva u procesu kreiranja promjena“ sa početkom u 18.00 h

Moderator Panela bio je **Srđan Puhalo** – analitičar i kolumnista iz Vanja Luke, a učesnici: **Srđan Blagovčanin** – predsjednik UO Transparency International, **Emina Bošnjak** – direktorica SOC Sarajevo, **Aleksandar Popov** – direktor Centra za regionalizam Novi Sad, Srbija i **Miralem Tursinović** – direktor ORC Tuzla.

Svečani dio obilježavanja jubileja počeo je u 20.00.



Ovaj jubilej vidimo prvenstveno kao priliku za ponovno okupljanje dragih nam kolega/ica, saradnika/ica, podržavatelja/ica, istomišljenika, ali i neistomišljenika. HpG Banja Luka i ORC Tuzla (do 2004. hCa Tuzla) su pioniri u umrežavanju mladih Bosne i Hercegovine, počevši od 1997. Godine, kada je nastala Omladinska mreža Bosne i Hercegovine, u partnerstvu naše dvije organizacije

#YouthConnectedForChange – Banja Luka

CAT Bosna i Hercegovina bio je u Banja Luci na događaju #YouthConnectedForChange. Naše mačkice su imale priliku razgovarati sa čak 40 mladih ljudi iz 8 različitih opština u Bosni i Hercegovini.

Na Facebook stranici @iombih možete pogledati priče ljudi koji su napravili promjene u svojim zajednicama.



Poslušajte njihove inspirativne priče!

Događaj je podržan od strane BHRI programa koji implementira IOM, uz finansijsku podršku USAID.

REDOVNE AKTIVNOSTI ORC I HCA TUZLA

Tokom septembra radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANNOVI HCA/ORC-A ZA OKTOBAR 2021.

- ORC Tuzla učestvuje u međunarodnom projektu: Razumijevanje i borba protiv nacionalnih ekstremizama - Zapadni Balkan i pitanje Kosova (UCNE). U ovom projektu učestvuje 10 organizacija iz: Slovenije, Srbije, Njemačke, Velike Britanije, Crne Gore, Kosova*, Albanije, Rumunije, Kipra i BiH. U okviru ovog projekta, tri člana naše organizacije putuju početkom oktobra u Niš, Srbija, na trening pod nazivom: Populizam, „fake news“, društveni mediji i njihov uticaj na mlade i jačanje nacionalističkog ekstremizma. Isto tako nastavljamo sa pripremama za organizovanje završne konferencije u Tuzli, početkom novembra.
- Nastavak aktivnosti u okviru partnerskog projekta „**Youth Rule of Law (YroL)**“, čiji je nosilac Udruženje „**Ja BiH u EU**“ iz Sarajeva, a podržan je od strane **Evropske unije**. Projekat će trajati 30 mjeseci. U narednom periodu (novembar – decembar) planiramo pripreme na organizovanju 4 panela za mlade iz BiH, o čemu vas informisati na našim glasilima.
- U okviru partnerskog projekta: **Erasmus+ “Peace Innovation Lab: Youth Work Edition”**, čiji je nosilac SEEYN, a partneri iz nekoliko balkanskih zemalja, u Kruševcu, Srbija se od 25. Septembra do 2. Oktobra održava Trening - “Building Bridges”. Na njemu će učestvovati i naši članovi. Ovom prilikom pozivamo mlade da nam se jave za sljedeće treninge, koji će biti organizovani u: Vlasenici, Sarajevu i Bitoli tokom 2022. godine, ukoliko su zainteresovani za ove razmjene.
- Nastavak rada na fundraisingu.
- I, akoBogda početak realizacije rekonstrukcije tavana iznad naših kancelarija, koji smo dobili od grada Tuzla na korištenje, te otvaranje **Centra Aktivista Tuzle**. Do sada smo uspjeli očistiti i izbaciti smeće koje se decenijama nakupljalo na tavanu (otprilike 4-5 tona papira, drveta, lima, stakla i ostalog smeća), ali i pronaći dosta fotografija Tuzle i aktivnosti sportskih klubova i mladih u periodu 1960 – 1985. Od ovih fotografija planiramo napraviti izložbu u skorije vrijeme. U očekivanju urbanističke saglasnosti i građevinske dozvole, krećemo polako sa namicanjem sredstava.

Ovom prilikom pozivamo sve koji poznaju organizaciju, donatora, pojedinca ili sl. koji nam može pomoći u rekonstrukciji tavana, da nam jave.

Hvala!

AKTIVNOSTI ČLANICA OMLADINSKE MREŽE BiH



OMLADINSKA ORGANIZACIJA "SVITAC"
Ul. Jusufa Čampare bb, 76100 Brčko Distrikt BiH
Tel./Fax: +387 49 211 032
E-mail: svitac@gmail.net
Web: www.svitac.org
FB: www.facebook.com/omladinska.svitac

Dnevne radionice

Omladinska organizacija Svitac je nastavila sa svakodnevnim interaktivnim i online aktivnostima. Mlađi učesnici su radili kreativne i edukativne stvari prilagođene uzrastu, uz pomoć lokalnih i međunarodnih volontera. Ovaj mjesec su radili: šarene hobotnice od kartona i papira, suncokrete, krune od perja i krep papira u kombinaciji sa tankim kartonom, bojali su i učili o vrstama kamenja, te pravili „Drvo prijateljstva“ sa otiscima šaka. Učili su o dinosaurusima, gmizavcima u BiH – otrovnim i neotrovnim zmijama, flori i fauni u moru, slatkim i slanim vodama, toplim i hladnim bojama, te pogledali prezentaciju iz oblasti geografije o okeanima i vulkanima. Na radionicama engleskog jezika su učili da kažu da li nešto vole ili ne vole, o morima i vrstama vode, dane u sedmici. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje. Sve radionice su implementirane uz edukativnu vizuelnu metodu sa slikama i videom.



Uzrast 13+ je učestvovao u diskusijama/radionicama na teme: stres, tjeskoba i kako se nositi sa svakodnevnim pritiscima, gluma u kazalištu, muralne tehnike, netradicionalna glazba i planovi za budućnost. Na ovaj način želimo mladima pružiti siguran i neutralan prostor, u kojem mogu reći svoje mišljenje.

Na engleskim i njemačkim radionicama smo vježbali svakodnevnu komunikaciju i radili na projektima i prezentacijama.

Radionice gitare

Učesnici su nastavili vježbati, improvizirati i "skidati" djela raznih umjetnika, kao što su Roland Dyens, Fernando Sor, Matteo Carcassi, The Beatles, Miles Davies i Wes Montgomery.

Radionice sambe

Grupa je, osim rada na novim muzičkim idejama, nastavila rad na kompoziciji iz prošlog mjeseca, a koja se razvila u pjesmu (radni naslov "The Loop").

Ljetni kampovi 2021

Tri kampa (kreativni, jezički i muzički) su se održala od 23. do 27. avgusta i Dječiji Dan 28. avgusta u Omladinskom centru. Radionice su se održavale svaki dan od ponedeljka do petka i svaka radionica je trajala 2 i po sata.

Kreativni kamp je implementirao pet tema: Anime - stil japanske filmske i televizijske animacije, Kolaž - proslava različitosti, kultura grafta, Eko putovanje i Dan dječijih prava. Učesnici, različitih nacionalnosti, imali su priliku da uče i rade na neutralnom mjestu i prave različite zanimljive i umjetničke predmete od različitih materijala i materijala za reciklažu, ali i da nauče više o različitim kulturama, raznolikosti i drugim važnim temama.



Jezički kamp - Učesnici su imali priliku da prisustvuju radionicama na engleskom, ruskom, turskom i znakovnom jeziku. Opšta tema su bili praznici i međunarodni festivali širom svijeta (zimski, proljećni i ljetni raspust i tradicionalni praznici). Pričali su o mnogim religijama i o tome kako ljudi slave svoje važne i posebne dane, koje poklone međusobno razmjenjuju, vole li putovanja ili ne, stvari koje obično pakuju u kofere na putovanjima, kakvu hranu jedu za ove praznike i o omiljenoj hrani, muzici i destinacijama. Volonteri su takođe poučili učesnike nekim korisnim riječima i izrazima na ovim jezicima.

Muzički kamp - U prvoj polovini sedmice učesnici su uglavnom svirali na instrumentima sambe, stvarajući i komponujući sopstvenu kompoziciju od kratkih muzičkih ideja i ritmičkih motiva. Kompozicija je dobila naziv „Funky“. Nakon toga je započeo proces snimanja, zajedno sa pisanjem tekstova. Rijeka, kao prirodni tok koji teče, bila je tema pjesme. Puno vremena je bilo posvećeno uređivanju zvuka i videa tokom cijele sedmice. Prije svake radionice grupa je razgovarala i planirala predstojeće aktivnosti i pripremila materijale, instrumente i opremu za taj dan. Nakon radionice, održan je sastanak na kojem su saželi i razmislili o tome šta je i kako urađeno.



Dječiji dan je održan 28. avgusta u Omladinskom centru. Program je počeo u 12:00, a roditelji i prijatelji učesnika kampa mogli su da vide šta su naučili u prethodnih 5 dana kampova. Muzički kamp je napravio pjesmu i spot „[O rijekama](#)“ koji je snimljen i pušten za publiku i postavljen na društvenim mrežama Svitca. Učesnici Kreativnog kampa predstavili su pet tema na kojima su radili i imali izložbu umjetničkih predmeta sa lijepim i korisnim ukrasima. Jezički kamp izveo je tri pjesme na engleskom jeziku i napravio plakate za predstavljanje svoje sedmice. Svi posjetioci su mogli da učestvuju u različitim takmičarskim igrama, da iskuse face painting i dobiju lijepe i korisne poklone za školu tokom Bing-a (tombola).



Međunarodni dan demokratije

Omladinska organizacija Svitac je sa svojim učesnicima još jednom obilježila Međunarodni dan demokratije! Na radionici je prisustvovalo 22 učesnika.

U prvom dijelu radionice pitali smo da li znaju šta znači riječ demokratija, te smo sa njima razgovarali na ovu temu, koristeći metodu prilagođenu njihovom uzrastu. Zatim smo razgovarali o konceptu glasanja; glasali smo koju vrstu užine ćemo danas jesti. Jednostavnom metodom smo naučili kako funkcioniše glasanje i razgovarali smo o jednakim pravima za sve. U drugom kreativnom dijelu crtali smo i bojili slova za riječ demokratija.

Smatramo da je vrlo važno naučiti i razumjeti od najranije dobi koliko je dobro i važno živjeti u demokratskom društvu i imati pravo glasa.

Do danas (15. septembra), Međunarodni dan demokratije obilježava se prema Konvenciji UN -a.

Međunarodni dan mira

Omladinska organizacija Svitac je 21. septembra obilježila Međunarodni dan mira. Na kreativnoj i edukativnoj radionici smo pitali naše učesnike o značenju riječi 'mir'! Nakon razgovora o ovoj veoma važnoj temi, pravili smo srca od papira, te na njima pisali poruke mira i obojili goluba vrhovima prstiju. Radionica je održana u prostorijama Omladinskog centra Brčko distrikt BiH.



Evropski dan jezika

Evropski dan jezika je inicijativa čiji je cilj promovisanje učenja jezika, a koju je u saradnji sa Evropskom komisijom pokrenuo Savjet Evrope 2001. godine. Od tada se ovaj dan obilježava širom Evrope 26. septembra svake godine. Omladinska organizacija Svitac je ovaj dan obilježila simbolično sa učesnicima! Razgovarali smo o raznim jezicima koji se govore u Evropi koristeći fleš kartice sa obilježjima evropskih zemalja, te napravili veliki plakat i napisali tri ključne riječi "Mir, ljubav, porodica" na više jezika.

Za oktobar se planira nastavak svih aktivnosti Omladinske organizacije Svitac.



Udruženje za društvena istraživanja i komunikacije - UDIK
Ul. Grbavička 51, 71000 Sarajevo
Tel./fax: +387 33 978 600; +387 33 978 605
E-mail: official.udik@outlook.com; official.udik.brcko@outlook.com
Web: www.udik.org; www.udik-brcko.org

UDIK predstavio publikaciju o zločinima u Milićima i Vlasenici

U nedjelju 26. septembra, u povodu 29. godišnjice zatvaranja logora Sušica kod Vlasenice, Udruženje za društvena istraživanja i komunikacije (UDIK) je predstavilo publikaciju „Ratni zločini u Milićima i Vlasenici – presude“ koja dokumentuje tri predmeta donesena pred Sudom Bosne i Hercegovine za zločine počinjene u prijeratnoj opštini Vlasenica. Pred Sudom Bosne i Hercegovine osuđeni su za zločine u Vlasenici Predrag Bastah na 22 godine i Goran Višković na 18 godina, dok je za ratni zločin na području današnje opštine Milići osuđen Dragan Marinković na 8 godina zatvora. Na kraju ove knjige nalazi se lista identificiranih osoba sa područja opština Vlasenica i Milići koje su nestale u periodu od 1992. do 1995. godine. Podaci su preuzeti od Instituta za nestale osobe BiH. Knjigu objavljujemo u znak sjećanja na stradale civile Milića i Vlasenice.



Građanska inicijativa za sjećanje i komemoracije



GISK

rata u Bosni i Hercegovini, a sve to kroz mrežu različitih aktivista u lokalnim zajednicama u našoj zemlji. Budite dio naše inicijative i svojim angažmanom doprinesite boljem suživotu u svojoj sredini. Prijave šaljite na e-mail: prijava.gisk@gmail.com.





Omladinski klub "DIJAMANT"

Ul. Bučići 42, 70101 Jajce

Tel./fax: +387 30 279 444, +387 61 179 209, +387 63 366 811

E-mail: m.sekib@bih.net.ba

WEB: www.ocd-dijamant.net, www.dijamantmoda.com

Povodom Svjetskog dana čišćenja, mladi eko-aktivisti OK. „Dijamant“ uzeli učešće u akciji čišćenja

18.09.21., u saradnji dva udruženja: **Omladinski klub "Dijamant"** iz Jajca i **Udruženje građana "Ruke"** iz Sarajeva, organizovana je ekološka akcija i u našem gradu Jajcu. Udruženje "Ruke" je obezbijedilo sav neophodan material, kao što su: reklamni materijal, majice, vreće za smeće, rukavice, hrana, osvježenje, te prijevoz učesnika ove akcije. **Tokom ove akcije prikupljeno je 27 vreća smeća. Učešće je uzelo 25 volontera i ostvarilo 100 volonterskih sati.**


Bosna i Hercegovina jedna je od 180 zemalja širom svijeta koja se terenskim volonterskim akcijama pridružila Svjetskom danu čišćenja, a "Let's Do It BiH" je, u saradnji s mnogobrojnim partnerima, udruženjima i pojedincima organizovao akciju "Očistimo zemlju za 1 dan" na više od 30 lokacija širom zemlje

Iako se Svjetski dan čišćenja pod ovim imenom pojavljuje od 2018. godine, "Let's Do It BiH" provodi terenske akcije čišćenja godinama, a ovim provedenim akcijama obilježio je svoju jubilarnu desetu godišnjicu djelovanja.



INFORMACIJE / NAJAVE / DONATORI / POZIVI

Alati dostupni civilnom društvu i organizacijama civilnog društva



život u svojoj lokalnoj zajednici.

Snaga lokalnog je petogodišnja inicijativa USAID-a, koju implementira Udruženje Mreža za izgradnju mira

Putem web portala snagalokalnog.ba koji predstavlja jedinstveno mjesto u digitalnom svijetu, možete naći različite vrste alata koji su korisni kako organizacijama civilnog društva, tako i svim aktivistima/cama građanima/kama i njihovim ličnim inicijativama, kojima unaprijeđuju

Alati namijenjeni civilnom društvu i organizacijama civilnog društva su:

1. **Baza donatora** – Mjesto gdje ćete naći sve potrebne informacije vezane za projekte, kao i same pozive za projekte. U našoj bazi, nalazi se nekoliko stotina projekata koji su dostupni civilnom sektoru




2. **Baza korisnika** – Mjesto gdje ćete imati pregled svih korisnika koji su registrovani na portalu Snaga lokalnog s ciljem umrežavanja i pronaleta novih poslovnih ili projektnih partnera.



3. **Resursna baza** – Resursna baza Vam omogućava pristup i unos dokumenata i uvid u listu eksperata_tica u različitim oblastima djelovanja. Dostupna je isključivo registrovanim korisnicima.
4. **Help Desk** – Ovaj alat vam obezbjeđuje pomoć ispred tima profesionalaca i eksperata koji će vam pomoći u pronalaženju odgovara na različite upite koji se tiču pitanja iz civilnog sektora

5. **Next Cloud** – Opcija koja je zamišljena u vidu chat box-a i omogućava vam razvijanje zajedničkih ideja i projekata te komunikaciju sa Vašim partnerima, kreiranje radnih grupa i djeljenje zajedničkih materijala.



6. **Uspješne priče** – Ukoliko Vam nedostaje inspiracija, želite da predstavite svoje inicijative ili pak ukažete na probleme koji će prerasti u uspješnu priču zajedničkim djelovanjem, čitajte naše priče uspješnih pokretača društvenih promjena u BiH.

Registrujte se već danas na portal Snaga lokalnog i počnite da kreirate društvo pozitivnih promjena i na taj način jačajte inicijative u vašim lokalnim zajednicama. Samo zajedničkim djelovanjem možemo postići da budemo bolja verzija sebe i da tako naše društvo bude jače i stabilnije. Registrovati se možete [OVDJE](#)



snagalokalnog.ba

Prijavite se na „EU-Balkan Youth Forum“ u Rimu



Ministarstvo vanjskih poslova i međunarodne saradnje Republike Italije, sa partnerima iz regiona organizuje “EU-Balkan Youth Forum” (Forum mladih EU-Balkan) koji će se održati od 22. do 26. novembra u Rimu.

OBLAST:

više oblasti

OPIS

Ovaj događaj će biti prilika da se sretnete sa kolegama i tvorcima politika i da predstavite vaše opaske o upravljanju, pomirenju, klimatskim promjenama, ekonomskim izazovima, kao i o društvu i novim medijima.

Diskusija će biti zasnovana na pet radnih grupa, koje će biti povezane pitanjem “Šta je Evropa?”. Svaka grupa će imati svoj zadatak i pitanja na koja mora odgovoriti.

USLOVI

Mogu se prijaviti studenti iz EU ili sa zapadnog Balkana koji imaju manje od 26 godina.

NAČIN PRIJAVE

Kako biste se prijavili potrebno je da popunite [aplikacionu formu](#).

ROK ZA PRIJAVU:

15.10.2021. godine

Detaljnije:

www.eubalkanforum.org

REKOM mreža pomirenja: Poziv za male projekte



REKOM mreža pomirenja poziva organizacije civilnog društva (OCD) iz Severne Makedonije, Bosne i Hercegovine, Kosova, Crne Gore i Srbije da prijave male projekte koji doprinose uspostavljanju tranzicione pravde, izgradnji poverenja i regionalnom pomirenju. Dodela grantova za male projekte je deo projekta **REKOM mreža pomirenja** koji finansijski podržavaju EU – Služba za instrumente spoljne politike (FPI), RBF, CRD i NED.

Pošaljite predlog projekta koji doprinosi širenju znanja o utvrđenim sudskim činjenicama o žrtvama i zločinima i podstiče empatiju prema žrtvama, doprinosi pomirenju između zajednica, smanjivanju prostora za laži i političke interpretacije prošlosti, izgradnji kulture sećanja na sve žrtve bez obzira na etničku pripadnost i podstiče kritičko mišljenje o prošlosti i pomirenju.

Važno je da imate jasnu ideju projekta koji ćete razviti na radionicama koje će držati eksperti za tranzicionu pravdu i razvoj projekata.

Minimalni iznos granta po projektu je 2.000 EUR, a maksimalni 7.000 EUR.

Prijave se šalju elektronski, e-mailom na regional@recom.link

Rok za prijavljivanje je 16. oktobar 2021. godine.

[Vodič za podnošenje predloga projekata](#)

[Prijavni formular](#)

Fond „Volim svoj grad“

Javni poziv za podršku građanskim projektima i inicijativama

Fondacija tuzlanske zajednice (u daljem tekstu: Fondacija) poziva građane, udruženja i institucije sa područja Tuzlanskog kantona da pokažu koliko vole mjesto u kojem žive i predlože projekte za dobrobit svih, koji će omogućiti rješavanja ključnih problema u zajednici i napraviti pozitivne promjene u okruženju.

U partnerstvu sa Porticus Fondacijom, Fondacija objavljuje Javni poziv za dodjelu finansijske podrške projektima sa područja Tuzlanskog kantona.

Podrška se realizuje sa ciljem da osnaži lokalne organizacije i lokalne inicijative koje zbližavaju građane i podstiču ih na samoorganizovanje, participaciju i inkluzivnost u rješavanju konkretnih problema u svojim lokalnim zajednicama, naseljima, gradovima i cijeloj državi.



CILJEVI POZIVA

- Povećati učešće građana u razvoju zajednice na području svih gradova Tuzlanskog kantona;
- Unaprijediti uslove življenja u lokalnim zajednicama u TK;
- Ojačati civilni sektor i kapacitete lidera u civilnom sektoru u TK;
- Uspostaviti međusektorska partnerstva i promovisati važnu ulogu civilnog sektora i građanskih inicijativa u razvoju zajednice.

KO MOŽE APLICIRATI?

- nezavisne organizacije i udruženja sa područja Tuzlanskog kantona;
- nezavisne javne institucije sa područja Tuzlanskog kantona (biblioteke, obdaništa, škole, formalno registrovane mjesne zajednice, itd);
- neformalne grupe građana od najmanje 3 punoljetna člana sa područja Tuzlanskog kantona.

ROK ZA PRIJAVU

Poziv za prijem aplikacija **otvoren je od 23. septembra do 31. oktobra 2021. godine.**

ŠTA PODRŽAVAMO?

- Inovativne projekte iz različitih oblasti života koji odgovaraju na potrebe lokalne zajednice i kojim se direktno unapređuju uslovi življenja u Tuzlanskom kantonu.
- Projekte koji promovišu građanski aktivizam i volonterizam i zasnovani su na volonterskom angažmanu aplikanata i promociji međusektoralne saradnje;
- Projekte koji su usmjereni na rješavanje konkretnog i prioritetnog problema u lokalnoj zajednici ili zadovoljenje određene potrebe u zajednici;
- Projekte koji imaju za cilj **ublažavanje posljedica pandemije sa posebnim akcentom na očuvanje i jačanje mentalnog zdravlja kod starijih osoba i žena i ostalih društvenih kategorija.**
- Podržavamo projekte koji traju **od 1 mjesec do maksimalno 1 godinu.**
- Vrijednost podrške po jednom projektu može biti u rasponu od **500,00 KM do 3.000,00 KM;**
(više u Kriterijima Fonda „VOLIM SVOJ GRAD“).

KAKVE PROJEKTE PODRŽAVAMO?

Shodno rezultatima istraživanja **Vitalni znaci 2019.**, prednost dajemo projektima koji su usklađeni sa prioritetnim potrebama lokalnih zajednica u Tuzlanskom kantonu, te izazovima na globalnom nivou definisanim **UN Globalnim ciljevima održivog razvoja.** U okviru ovog poziva, želimo podržati projekte koji potiču inovativna međusektoralna partnerstva i koji će unaprijediti slijedeće oblasti življenja:

- **OČUVANJE PRIRODE, BRIGA O OKOLIŠU I KLIMI;**
- **KVALITETNO OBRAZOVANJE I CJELOŽIVOTNO UČENJE;**
- **SMANJENJE NEJEDNAKOSTI I LJUDSKA PRAVA;**
- **OČUVANJE ZDRAVLJA.**
-

U prilogu su Kriteriji Fonda „VOLIM SVOJ GRAD“ u kojima su detaljne informacije o pozivu i oblastima koje možemo podržati.

KAKO APLICIRATI?

Aplicirati možete isključivo putem **platforme za online apliciranje** koja se nalazi na web stranici Fondacije tuzlanske zajednice.

Nakon što online aplikacija bude prihvaćena aplikant će dobiti potvrdu o prijemu na mail. Nakon uvida u projektnu aplikaciju od strane grant tima, aplikant će putem e-maila dobiti potvrdu prijema (pdf dokument ispunjene aplikacije), koji ste dužni u roku od 7 dana dostaviti, potpisati i ovjeriti u dva stampana primjerkha, na adresu Fondacije: Pozorišna 13, 75000-Tuzla (lično ili poštom).

Ukoliko vam je potrebna podrška pri ispunjavanju online aplikacije možete se obratiti direktno u kancelariju Fondacije tuzlanske zajednice ili na broj telefona 035 362-830/831 ili u putem mail-a: inicijative@fondacijatz.org sa naznakom „Fond Volim Svoj Grad“

- Javni poziv: 10 – FVSG - 2/2021

Od formalno registrovanih organizacija se traži da pored ispunjene aplikacione forme (putem online modula), dostave i sljedeću dodatnu dokumentaciju i to:

- rješenje o registraciji (kopija),
- statut Udruženja (kopija),
- finansijski izvještaj za prethodnu godinu (bilans stanja i bilans uspjeha-kopija),
- dokaz o otvorenom žiro računu u banci (kopija), i
- izjavu o partnerstvu, ako se radi o partnerskim projektima.

Finansijska podrška projektima mladih neće biti dodijeljena projektima koji su nepotpuni, kao ni onima koji pristignu nakon navedenog roka ili ne budu dostavljeni na prethodno navedeni način, kao i onima koji dostave prijave na neodgovarajućim obrascima.

USLOVI ZA DODJELU FINANSIJSKE PODRŠKE

Aplikanti su dužni omogućiti grant timu Fondacije da, prije dodjele granta, izvrši procjenu rada i poslovanja organizacije u prethodnom periodu. Ovakva procjena podrazumijeva analizu organizacijskih, finansijskih, administrativnih i ljudskih resursa podnosioca projektnog prijedloga. Samo organizacije koje zadovolje proces ove procjene mogu dobiti novčanu podršku.

Neformalne grupe koje dobiju podršku za svoj projekat, će realizovati aktivnosti tako što će sva plaćanja za troškove nastale u toku trajanja projekta plaćati direktno Fondacija, a dužnost neformalne grupe je da pripremi predračune i dostavi ih Fondaciji.

Po finalnom odabiru projekata i objavlјivanju rezultata na web stranici Fondacije, bit će otvoren rok za žalbe u trajanju od 7 radnih dana. Pravo na žalbu imaju svi aplikanti koji nisu zadovoljni svojom pozicijom na rang listi odobrenih grantova. Žalba će biti riješena u kratkom roku od strane menadžmenta Fondacije.

Preporuka svim aplikantima je da pročitaju detaljne informacije i upute za popunjavanje online aplikacije i kriterije koji se nalaze na web stranici Fondacije (www.fondacijatz.org).



Dragi prijatelji,

Ukoliko ste zainteresovani da se u mjesечnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesечni bilten:

Omladinski resursni centar Tuzla
Hadži Bakirbegova Tuzlića 1
75000 Tuzla
tel/fax: 035 258 077
e-mail: orctuzla@bih.net.ba

Mjesečni bilten uređuje
Omladinski resursni centar - ORC
Tuzla

Urednik Biltena:

Mirela Biković

Prevod Biltena na engleski:*Adnan Karamujić*

WEB stranica Mreže:
www.omladina-bih.net

Mejling lista Mreže:
posta@omladina-bih.net

Webmaster:
emir.delalic@gmail.com
anicic.dev@gmail.com